



握機經傳圖說考略

握機緯六之九

三



內閣文庫	
番號	漢 1869
冊數	4 (3)
函號	299 187



孫武子卷之六

虛實篇

曹操曰能虛實彼已也

李筌曰善用兵者以虛為實善破敵者以實為

杜牧曰夫兵者避實擊虛先須識彼我之虛實

也

王皙曰凡自守以實攻敵以虛也

張預曰形篇言攻守勢篇說奇正善用兵者先



淺草文庫

握機緯

卷之六

知攻守兩齊之法然後知奇正先知奇正相變
之術然後知虛實蓋奇正自攻守而用虛實由
奇正而見故次勢

孫子曰凡先處戰地而待敵者佚。

曹操曰力有餘也

賈林曰先處形勝之地以待敵者則有備豫士

馬閑逸

後處戰地而趨戰者勞。

李筌曰力不足也

張預曰便利之地彼已據之我方趨彼以戰則
士馬勞倦而力不足

賈林曰敵處便利我則不往引兵別據示不敵
其軍敵謂我無謀必來攻襲如此則反令敵倦
而我不勞

故善戰者致人而不致於人。

李筌曰故能致人之勞不致人之佚也
杜佑曰言兩軍相遠強弱俱敵彼可使歷險而
來我不可歷險而往必能引致敵人已不往從

也

梅堯臣曰能令敵來則敵勞我不往就則我佚
王皙曰致人者以佚乘其勞致於人者以勞乘
其佚

張預曰致敵來戰則彼勢常虛不往赴戰則我
勢常實此乃虛實彼我之不也

能使敵人自致者利之也。

曹操曰誘之以利也

張預曰所以能致敵之來者誘之以利耳

能使敵人不得至者害之也。

曹操曰出其所必趨攻其所必救

李筌曰害其所急彼必釋我而自固也

王皙曰以害形之敵患之而不至

故敵佚能勞之。

曹操曰以事煩之

李筌曰攻其不意使敵疲於奔命

張預曰為多方以誤之之術使其不得休息或

曰彼若先處戰地以待我則是彼佚也我不可

趨而與之戰我既不往彼必自來卽是變佚爲勞也

飽能饑之。

曹操曰絕糧道以饑之

李筌曰焚其積聚芟其禾苗絕其糧道

杜牧曰我爲主敵爲客則可以絕糧道而饑之如我爲客敵爲主則如之何答曰饑敵之術非止絕糧道但能饑之則是

張預曰我先舉兵則我爲客彼爲主爲客則食

不足爲主則飽有餘若奪其畜積掠其田野因糧於彼館穀於敵則我反飽彼反饑矣則是變客爲主也不必焚其積聚廢其農時然後能饑敵矣

安能動之。

曹操曰攻其所必愛出其所必趨則使敵不得不相救也

李筌曰擊其所不意使不得不救也

出其所必趨趨其所不意

曹操曰使敵不得相往而救之也

何氏曰令敵人須應我

行千里而不勞者行於無人之地也。

曹操曰出空擊虛避其所守擊其不意

李筌曰出敵無備從孤擊虛何人之有

陳皞曰夫言空虛者非止為敵人不備也但備

之不嚴守之不固將弱兵亂糧少勢孤我整軍

臨之彼必望風潰是我

地

攻而必取者攻其所不守也。

李筌曰無虞易取

杜牧曰警其東擊其西誘其前襲其後

王皙曰攻其虛也謂將不能兵不精壘不堅備

不嚴救不及食不足心不一爾

守而必固者守其所不攻也。

杜牧曰不攻尚守何況其所攻乎

梅堯臣曰賊擊我西亦備乎東

王皙曰守以實也謂將能兵精壘堅備嚴救及

食足心一爾

故善攻者敵不知其所守善守者敵不知其所攻。

曹操曰情不泄也

王皙曰善攻者待敵有可勝之隙速而攻之則使其不能守也善守者常為不可勝則使其不能攻也云不知者攻守之計不知所出耳

張預曰夫守則不足攻則有餘所謂不足者非力弱也蓋示敵以不足則敵必來攻此是敵不知其所攻也所以有餘者非力强也蓋示敵以

有餘則敵必自守此是敵不知其所守也情不外泄積乎攻守者也

微乎微乎。至於無形。神乎神乎。至於無聲。故能為敵之司命。

杜牧曰微者靜也神者動也靜者守動者攻敵之死生悉懸於我故知天之司命

王皙曰微密則難窺神速則難應故能制敵之命

何氏曰武論虛實之法至於神微而後見其功

之極也。吾之實使敵視之爲虛，吾之虛使敵視之爲實。敵之實吾能使之爲虛，敵之虛吾能知其非實。蓋敵不識吾虛實而吾能審敵之虛實也。吾欲攻敵也，知彼所守者爲實而所不守者爲虛，吾將避其堅而攻其脆，批其亢而擣其虛。敵欲攻我也，知彼所攻者爲不急而所不攻者爲要，吾將視敵之虛而闕吾之實，彼視形之東而吾設備於西，是故吾之攻也，彼不知其所當守；吾之守也，敵不料其所當攻。攻守之變出於

虛實之法，微之微者，神之神者。至於天下之明目不能窺其形之微，天下之聰耳不能聽其聲之神。有形者至於無形，有聲者至於無聲，非無形也，敵人不能窺也；非無聲也，敵人不能聽也。虛實之變極也。進而不可禦者，衝其虛也；退而不可追者，速而不可及也。

李筌曰：進者襲空虛，懈怠退者必輜重，在先行遠面大軍始退，是以不可追。

杜牧曰既攻其虛敵必敗敗喪之後安能追我
我故得以疾退也

陳暉曰杜說非也曹公之圍張繡也城未拔力
未屈而去之繡兵出襲其後賈詡止之繡不聽
果被曹公所敗繡謂詡曰公既能知我敗必能
知其勝詡曰復以敗卒襲之繡從之曹公果敗
豈是敗喪之後不能追之哉蓋言乘虛而進敵
不知所禦逐利而退敵不知所追也

故我欲戰敵雖高壘深溝不得不與我戰者攻其所

必救也

曹操曰絕其糧道守其歸路攻其君主也
杜牧曰我為主敵為客則絕其糧食守其歸路
若我為客敵為主則攻其君主
張預曰我為客彼為主我兵強而食少彼勢弱
而糧多則利在必戰敵人雖有金城湯池之固
不得守其險而必求與我戰者在攻其所顧愛
使之相救援也

我不欲戰畫地而守之敵不得與我戰者垂其所之

也。

曹操曰垂戾也戾其道示以利害使敵疑也

李筌曰垂異也設奇異而疑之是以敵不可得

與我戰

杜牧曰言敵來攻我我不與戰設權變以疑之

使敵人疑惑不決與初來之心垂戾不敢與我

戰也

張預曰我為主彼為客我糧多而卒寡彼食少

而兵衆則利在不戰雖不為營壘之固敵必不

敢來與我戰者示以疑形垂其所往也

梅堯臣曰畫地喻易也

故形人而我無形則我專而敵分

杜佑曰我專一而敵分散

張預曰吾之正使敵視以為奇吾之奇使敵視

以為正形人者也以奇為正以正為奇變化紛

紜使敵莫測無形者也敵形既見我乃合衆以

臨之我形不彰彼必分勢以防備

我專為一敵分為十是以十攻其一也則我衆而敵

寡。

梅堯臣曰離一爲十我常以十分擊一分

杜佑曰我專爲一故衆敵分爲十故寡

張預曰見敵虛實不勞多備故專爲一屯彼則不然不見我形故分爲十處是以我之十分擊敵之一分也故我得衆敵不得不寡

能以衆擊寡者則吾之所與戰者約矣。

杜牧曰約猶少也我深塹高壘滅跡韜聲出入無形攻取莫測或以輕兵健馬衝其空虛或以

強弩長弓奪其要害觸左履右突後驚前晝日誤之以旌旗暮夜惑之以火鼓故敵人畏懼分兵防虞譬如登山瞰城垂簾視外敵人分張之勢我則盡知我之攻守之方敵則不測故我能專一敵則分離專一者力全分離者力寡以全擊寡故能必勝也

梅堯臣曰以專擊分則我所敵少也

張預曰夫勢聚則強兵散則弱以衆強之勢擊寡弱之兵則衆力少而成功多矣

吾所與戰之地不可知。不可知。則敵所備者多。

杜佑曰言舉動微密情不可見使彼知所出而不知吾所舉知所舉而不知吾所集

張預曰無形勢故也

梅堯臣曰敵不知則處處爲備

敵所備者多則吾所與戰者寡矣。

曹操曰形藏敵疑則分離其衆備我也言少而易擊也

張預曰不能測吾車果何出騎果何來徒衆何

從故分離其衆所在輒爲備遂致衆散而弱勢分而衰是以吾所以接戰之處以大衆臨孤軍也

故備前則後寡。備後則前寡。備左則右寡。備右則左寡。無所不備。則無所不寡。

杜佑曰言敵之所備者多則士卒無不分散而少

梅堯臣曰所備皆寡也

寡者。備人者也。衆者。使人備己者也。

孟氏曰備人則我散備我則彼分

杜佑曰敵分散而少者皆先備人也敵所以備已多者由我專而衆故也

梅堯臣曰使敵愈備則愈寡也

故知戰之地。知戰之日。則可千里而會戰。

曹操曰以度量知空虛會戰之日

孟氏曰以度量知空虛先知戰地之形又審必戰之日則可千里期會先往以待之若敵已先至可不往以勞之

杜佑曰夫善戰者必知戰之日知戰之地度道設期分軍雜卒遠者先進近者後發千里之同時而合若會都市其會地之日無令敵知知之則所備處少不知則所備處多備寡則專備多則分分則力散專則力全

小論張預曰凡舉兵伐敵所戰之地必先知之師至不戰之日能使敵人如期而來以與我戰知戰地日則所備者專所守者固雖千里之遠可以赴戰若蹇叔知晉人禦師必於殽是知戰地也陳湯

料烏孫圍兵五日必解是知戰日也。又若孫臏
龐涓於馬陵度日暮必至是也。不知戰地。不知戰日。則左不能救右。右不能救左。前
不能救後。後不能救前。而况遠者數千里。近者數里
乎。

杜牧曰管子曰計未定而出兵則戰而自毀也。
杜佑曰敵已先據形勢之地已方趣利欲戰則
左右前後疑惑進退不能相救况十數里之間
也。

張預曰不知敵人何地會兵何日接戰則所備
者不專所守者不固忽遇勁敵則倉遽而與之
戰左右前後猶不能相援又况首尾相去之遙
乎。

以吾度之。越人之兵雖多。亦奚益于勝敗哉。

對曰曹操曰越人相聚紛然無知也。或曰吳越讐國
也。

李筌曰越過也。不知戰地及戰日。兵雖過人安
能知其勝敗乎。

張預曰吾字吳字之誤也吳越隣國數相侵伐故下文云吳人與越人相惡也言越國之兵雖曰衆多但不知戰地戰日當分其勢而弱也

故曰勝可爲也。

孟氏曰若使敵不知戰地期日我之必勝可常有也

張預曰爲勝在我故也形篇云勝可知而不可爲今言勝可爲者何也蓋形篇論攻守之勢言敵若有備則不可以爲也今則主以越兵而言

度越人必不能知所戰之地日故云可爲也

敵雖衆可使無關。

杜牧曰以下四事度量之敵兵雖衆使其不能

與我鬪勝也

孟氏曰敵雖多兵我能多設變詐分其形勢使不能併力也

故策之而知得失之計。

孟氏曰策度敵情觀其施爲則計數可知

賈林曰樽俎帷幄之間以策籌之我得彼失之

計皆先知也

梅堯臣曰彼得失之計我以算策而知

作之而知動靜之理。

杜牧曰作激作也言激作敵人使其應我然後觀其動靜理亂之形也魏武侯曰兩軍相當不知其將如何吳起曰今賤勇者將銳而擊交合而北北而勿罰觀敵進退一坐一起其政以理奔北不追見利不取此將有謀若其悉衆追北旗旛雜亂行止縱橫貪利務得若此之類將令

不行擊而勿疑

陳皞曰作爲也爲之利害使敵赴之則知進退之理也

杜佑曰喜怒動作察其舉止則情理可得故知動靜權變爲其勝負也

形之而知死生之地。

李筌曰夫破陳設奇或偃旗鼓形之以弱或虛列竈火旛幟形之以強投之以死致之以生是以死生因地而成也

陳皞曰敵人既有動靜則我得見其形有謀者
所處之地必生無謀者所投之地必死也

孟氏曰形相敵情觀其所據則地形勢生死可
得而知

角之而知有餘不足之處

曹操曰角量也

王皙曰角相角也角彼我之力則知有餘不足
之處然後可以謀攻守之利也此而上亦所以
量敵知戰

故形兵之極。至于無形。無形則深間不能窺。智者不
能謀。

李筌曰形敵之妙入於無形間不可窺智不可

謀是謂形也

何氏曰形列在外機變在內因形制變人難窺

測可謂知微

因形而錯勝于衆衆不能知

曹操曰因敵形而立勝

梅堯臣曰衆知我能置勝矣不知因敵之形

人皆知我所以勝之形而莫知吾所以制勝之形。

曹操曰不以一形之勝萬形或曰不備知也制勝者人皆知吾所以勝莫知吾因敵形制勝也杜牧曰言已勝之後但知我制敵人使有敗形本自於我然後我能勝之也上文云近而示之遠遠而示之近利而誘之亂而取之實而備之強而避之怒而撓之卑而驕之佚而勞之親而離之斯皆制勝之道人莫知之也

故其戰勝不復而應形于無窮。

曹操曰不重複動而應之也

李筌曰不復前謀以取勝隨宜制變也

賈林曰應敵形而制勝乃無窮

夫兵形象水。

孟氏曰兵之形勢如水流遲速之勢無常也

水之形避高而趨下。

梅堯臣曰順也

兵之形避實而擊虛。

梅堯臣曰利也

張預曰水趨下則順兵擊虛則利

水因地而制流。

梅堯臣曰順高下也張預曰方圓斜正因地而

成形

兵因敵而制勝。

李筌曰不因敵之勢吾何以制哉夫輕兵不能

持久守之必敗重兵挑之必出怒兵辱之強兵

緩之將驕宜卑之將貪宜利之將疑宜反間之

故因敵而制勝

張預曰虛實強弱隨敵而取勝

故兵無常勢。

梅堯臣曰應敵為勢

張預曰敵有變動故無常勢

水無常形。

梅堯臣曰因地為形

孟氏曰兵有變化地有方圓

能因敵變化而取勝者謂之神。

曹操曰勢盛必衰形露必敗故能因地變化取

勝若神

王皙曰兵有常理而無常勢水有常性而無常形兵有常理者擊虛是也無常勢者因敵以應之也水有常性者就下是也無常形者因地以制之也夫兵勢有變則雖敗卒尚復可使擊勝兵况精銳乎

故五形無常勝

王皙曰迭相克也

四時無常位

王皙曰迭相代也

日有短長月有死生

曹操曰兵無常勢盈縮隨敵

李筌曰五形者休囚王相遁相勝也四時者寒暑往來無常定也日月者周天三百六十五度四分度之一百刻者春秋二分則日夜均夏至之日晝六十刻夜四十刻冬至之日晝四十刻夜六十刻長短不均也月初為朔八日為上弦十五日為望二十四日為下弦三十日為晦則

死生義也孫子以五行四時日月盈縮無常况
於兵之形變安常定也

梅堯臣曰皆所以象兵之隨敵也

孫武子卷之六終

孫武子卷之七

軍爭篇

曹操曰兩軍爭勝曰人門兩軍爭勝曰人門

李筌曰爭者趨利也虛實定乃可與人爭利

艾叶王替曰爭者爭利得利則勝宜先審輕重計迂

直不可使敵乘我勞也

孫子曰凡用兵之法將受命於君

李筌曰受君命也遵廟勝之筭恭行天罰

合軍聚衆

握機緯

卷之七

名軍梅堯臣曰聚國之衆合以爲軍

王皙曰大國三軍總三萬七千五百人若悉舉其賦總七萬五千人此所謂合軍聚衆

張預曰合國人以爲軍聚兵衆以爲陳

交和而舍。

曹操曰軍門爲和門左右門爲旗門以更爲營

曰轅門以人爲營曰人門兩軍相對爲交和

李筌曰交間和雜也合軍之後強弱勇怯長短

向背間雜而忤之力相兼後合諸營壘與敵爭

之

張預曰軍門爲和門言與敵對壘而舍其門相

交對也或曰與上下交相和睦然後可以出兵

爲營舍

莫難於軍爭。

曹操曰從始受命至於交和軍爭難也

張預曰與人相對而爭利天下之至難也

軍爭之難者以迂爲直以患爲利。

陳皞曰言合軍聚衆交和而舍皆有舊制惟軍

握機緯

卷之七

二

爭最難也苟不知以迂爲直以患爲利者卽不能與敵爭也

曹操曰示以遠速其道里先敵至也

王皙曰示以遠者使其不虞而行或竒兵從間道出也

杜佑曰敵途本迂患在道遠則先處形勢之地故曰以患爲利

故迂其途而誘之以利後人發先人至此知迂直之計者也

杜牧曰上解曰以迂爲直是示敵人以迂遠敵意已怠復誘敵以利使敵心不專然後倍道兼行出其不意故能後發先至而得所爭之要害也

賈林曰敵途本近我能迂之者或以羸兵或以小利於他道誘之使不得以軍爭赴也
何氏曰迂途者當行之途也以分兵出奇則當行之途示以迂變設勢以誘敵令得小利縻之則出奇之兵雖後發亦先至也言爭利須料迂

直之勢出奇故下云分合爲變其疾如風是也
張預曰形勢之地爭得則勝凡欲近爭便地先
引兵遠去復以小利啗敵使彼不意我進又貪
我利故我得以後發而先至此所謂以迂爲直
以患爲利也趙奢據北山而敗秦軍郭淮屯北
原而走諸葛是也能後發先至者明於度數知
以迂爲直之謀者也
故軍爭爲利軍爭爲危。

曹操曰善者則以利不善者則以危

賈林曰我軍先至得其便利之地則爲利彼敵
先據其地我三軍之衆馳往爭之則敵佚我勞
危之道也

舉軍而爭利則不及。

曹操曰遲不及也

李筌曰輜重行遲

賈林曰行軍用師必趨其利遠近之勢直以舉
軍往爭其利難以速至可以潛設之計迂敵途
程敵不識我謀則我先而敵後也

委軍而爭利則輜重捐。

是故卷甲而趨。日夜不處。倍道兼行。百里而爭利。則擒三將軍。

曹操曰置輜重則恐捐棄也

賈林曰恐敵知而絕我後糧也

張預曰委置重滯輕兵獨進則恐輜重為敵所

掠故棄捐也

杜佑曰若不慮上二事欲從速疾卷甲束仗潛

軍夜行若敵知其情邀而擊之則三軍之將為

敵所擒也

曹操曰百里而爭利非也三將軍皆以為擒

勁者先。疲者後。其法十一而至。

李筌曰一日行一百二十里則為倍道兼行行

若如此則勁健者先到疲者後至軍健者少疲

者多且十人可一人先到餘悉在後以此遇敵

何三將軍不擒哉

杜牧曰此說未盡也凡軍一日行三十里為一

舍倍道兼行者再舍晝夜不息乃得百里為一

舍倍道若加此爭利衆疲倦則三將軍皆須爲敵所擒其法什一而至者不得已必須爭利凡十人中擇一人最勁者先往其餘者則令繼後而往萬人中先擇千人平旦先至其餘繼至有巳午時至者有申未時至者各得不竭其力相續而至與先往者足跡聲響相接凡爭利必是爭奪要害雖千人守之亦足以拒抗敵人以待繼至者

五十里而爭利則蹙上將軍其法半至。

李筌曰百里則十人一人至五十里十人五人至挫軍之威不至擒也言道近不至疲

杜牧曰半至者凡十人中擇五人勁者先往也

賈林曰上猶先也

三十里而爭利則三分之二至。

曹操曰道近至者多故無死敗也

杜牧曰三十里內九十人中可以六十人先往也不言其法者舉上文可知也

杜佑曰道近則至者多故不言死敗勝負未可

知也古者用師日行三十里步騎相須今徒而趨利三分之二至

是故軍無輜重則亡。無糧食則亡。無委積則亡。

曹操曰無此三者亡之道也

陳皞曰此說委軍爭利之難也

杜牧曰輜重者器械及軍士衣裳委積者財貨也

故不知諸侯之謀者不能豫交。

杜牧曰預先也交交兵也言諸侯之謀先須知

之然後可交兵合戰若不知其謀固不可與交兵也

梅堯臣曰不知敵國之謀則不能預交鄰國以爲援助也

不知山林險阻沮澤之形者不能行軍。

曹操曰高而崇者爲山衆樹所聚者爲林坑壑者爲險一高一下者爲阻水草漸洳者爲沮衆水所歸而不流者爲澤不先知軍之所據及山川之形者不能行師也

不用鄉導者不能得地利。

李筌曰入敵境恐山川溢狹地土泥濘井泉不利使人導之以得地利易曰卽鹿無虞則其義也

故兵以詐立。

杜牧曰詐敵人使不知我本情然後能立勝也

王皙曰謂以迂爲直以患爲利也

以利動。

杜牧曰利者見利始動也

王皙曰誘之也

以分合爲變者也。

曹操曰兵一分一合以敵爲變也

杜牧曰分合者或分或合以惑敵人觀其應我之形然後能變化以取勝也

李筌曰以詭詐乘其利動或合或分以爲變化

之形

故其疾如風。

曹操曰擊虛空也

李筌曰進退也其來無跡其退至疾也其徐如林。

曹操曰不見利也

李筌曰整陳而行

杜佑曰不見利不前如風次林小動而其人不移

移

梅堯臣曰如林之森然不亂也

侵掠如火。

曹操曰疾也

李筌曰如火燎原無遺草

不動如山。

曹操曰守也

李筌曰駐車也

賈林曰未見便利敵誘誑我我因不動如山之

安

難知如陰。

李筌曰其勢不測如陰不能覩萬象

王皙曰形藏也

握機緯

卷之七

九

動如雷震。

李筌曰盛怒也。

杜牧曰如空中擊下不知所避也。

掠鄉分衆。

李筌曰抄掠必分兵爲數道懼不虞也。

杜牧曰敵之鄉邑衆落無有守兵六畜財穀易於剽掠則須分番次第使衆人皆得往也不可獨有所往如此則大小強弱皆欲與敵爭利也。賈林曰三軍不可言遣故以旌旗指向隊伍不

可語傳故以摩幟分衆故因敵陳形可爲勢此

尤順訓練分明師徒服習也。

何氏曰得掠物則與衆分

張預曰用兵之道大率務因糧於敵然而鄉邑之民所積不必分兵隨處掠之乃可足用。

廓地分利。

曹操曰分敵利也。

李筌曰得敵地必分守利害。

杜牧曰郭開也開土拓境則分割與有功者。

懸權而動。

曹操曰量敵而動也

李筌曰夫先動爲客後動爲主客難而主易

杜牧曰如衡懸權秤量已定然後動也

先知迂直之計者勝。此軍爭之法也。

李筌曰迂直道路勞佚餒寒生於道路

張預曰凡與人爭利必先量道路之迂直審察

而後動則無勞頓寒餒之患而且進退速遲不

失其機故勝也

軍政曰言不相聞故爲金鼓。

杜佑曰金鈺鐸也聽其音聲以爲耳侯

王皙曰鼓鞶鈺鐸之屬坐作進退疾徐疏數皆

有其節

視不相見故爲旌旗。

杜佑曰瞻其指麾以爲目侯

王皙曰表部曲行列齊整也

夫金鼓旌旗者所以一人之耳目也。人既專一則勇

者不得獨進。怯者不得獨退。此用衆之法也。

李筌曰鼓進鐸退也。杜牧曰旌以出令旗以應號蓋旗者即今之信旗也。

梅堯臣曰一人之耳目者謂使人之視聽齊一而不亂也。鼓之則進金之則止。麾右則右麾左則左不可以勇怯而獨先也。

故夜戰多火鼓。晝戰多旌旗。所以變人之耳目也。杜牧曰令軍士耳目皆隨旌旗火鼓而變也。賈林曰火鼓旌旗可以聽望故晝夜異用之。

梅堯臣曰多者欲以變感敵人耳目。

故三軍可奪氣。

曹操曰左氏言一鼓作氣再而衰三而竭。

王皙曰震懾衰惰則軍氣奪矣。

張預曰氣者戰之所恃也。夫舍生稟血鼓作鬪爭雖死不省者氣使然也。故用兵之法若激其士卒令上下同怒則其鋒不可當。故敵人新來而氣銳則且以不戰挫之。伺其衰倦而後擊。故彼之銳氣可以奪也。

將軍可奪心。

李筌曰心之令憤撓之令亂間之令疎卑之令驕則彼之心可奪也

梅堯臣曰以鼓旗之變惑奪其氣軍既奪氣將亦奪心

何氏曰先須已心能固然後可以奪敵將之心是故朝氣銳。晝氣惰。暮氣歸。

孟氏曰朝氣初氣也晝氣再作之氣也暮氣衰竭之氣也

梅堯臣曰朝言其始也晝言其中也暮言其降也謂兵始而銳久則惰而思歸故可擊故善用兵者避其銳氣擊其惰歸此治氣者也

杜牧曰陽氣生於子成於寅衰於午伏於申凡晨朝陽氣初盛其始必銳故須避之候其衰伏擊之必勝

張預曰朝喻始晝喻中暮喻末非以早晚爲辭也凡人之氣初來新至則勇銳陳久人倦則衰故善用兵者當其銳盛則堅守以避之待其惰

歸則出兵以擊之此所謂善治已之氣以奪人之氣者也

以治待亂以靜待譁此治心者也

陳皞曰政令不一賞罰不明謂之亂旌旗錯雜行伍輕囂謂之譁審敵如是則出攻之張預曰治以待亂靜以待譁安以待躁忍以待忿蔽以待懈此所謂善治已之心以奪人之心者也

以近待遠以佚待勞以飽待饑此治力者也

李筌曰客主之勢

杜牧曰上文云致人而不致於人是也

張預曰近以待遠佚以待勞飽以待饑誘以待來重以待輕此所謂善治已之力以用人之力者也

無邀正正之旗勿擊堂堂之陳此治變者也

曹操曰正正齊也堂堂大也

梅堯臣曰正正而來堂堂而陳示無懼也必有奇變

王皙曰本可要擊以視整齊盛大故變

何氏曰所謂強則避之

故用兵之法高陵勿向背丘勿逆

杜牧曰向者仰也背者倚也逆者迎也言敵在

高處不可仰攻敵倚丘山下來求戰不可逆之

此言自下趨高者力乏自高趨下者勢順也故

不可向迎

王皙曰如此不便則當嚴陳以待變也

佯北勿從

李筌曰恐有伏兵也

張預曰敵人奔走必審真偽若旗鼓齊應號令

如一紛紛紜紜雖退走非敗也必有奇也不可

謂從之若旗靡輒亂人鬻馬駭此真敗却也

銳卒勿攻

李筌曰避強氣也

杜牧曰避實也楚子伐隋隋臣季良曰楚人尚

左君必左無與王遇且攻其右右無良焉必敗

偏敗衆乃攜矣隋少師曰不當王非敵也不從

隋師敗績。梅堯臣曰：魚貪餌而亡，兵貪餌而敗。敵以兵來，餌兵勿食。

梅堯臣曰：魚貪餌而亡，兵貪餌而敗。敵以兵來，釣我，我不可從。

王皙曰：餌我，以利必有奇伏。

歸師勿遏。

孟氏曰：人懷歸心，必能死戰，則不可止而擊也。張預曰：兵之在外，人人思歸，當路邀之，必致死。

戰。釜曰：怒言為兵也。

圍師必闕。

曹操曰：司馬法曰：圍其三面，闕其一面，所以示生路也。

杜牧曰：示以生路，令無必死之心，因而擊之。

窮寇勿迫。

陳皞曰：鳥窮則搏，獸窮則噬也。

張預曰：敵若焚舟破釜來決一戰，則不可迫逼。

此用兵之法也。

孫武子卷之八

九變篇

曹操曰變其正得其勝用九也

王皙曰哲謂九者數之極用兵之法當極其變

九地耳逸詩云九變復貫或曰九地之變

張預曰變者不拘常法臨事適變從宜而行之

之謂也凡與人爭利必知九地之變故次軍爭

孫子曰凡用兵之法將受命於君合軍聚眾

張預曰已解上文

握機緯

卷之八

一

圯地無舍。

曹操曰無所依也水毀曰圯合軍聚眾

李筌曰地下曰圯行必水淹也

張預曰山林險阻沮澤凡難行之道為圯地以

其無所依故不可舍止曰水出之變

何氏曰下篇言圯地則吾將進其塗謂必固之

地宜速去之也

衢地交合。

曹操曰結諸侯也

梅堯臣曰夫四通之地與旁國相通當結其交

也

何氏曰下篇云衢地吾將固其結言交結諸侯

使牢固也

絕地無留。

曹操曰無久止也

李筌曰地無泉井畜收采樵之處為絕地不可

留也

賈林曰谿谷坎險前無通路曰絕當速去無留

張預曰去國越境而師者絕地也危絕之地遇於重地故不可淹留久止也

圍地則謀。

曹操曰發奇謀也

李筌曰因地能通

賈林曰居四險之中曰圍地敵可往來我難出入居此地者可預設奇謀使敵不爲我患乃可濟也

死地則戰。

曹操曰殊死戰也

李筌曰置兵於必死之地人自爲私鬪

梅堯臣曰前後有礙決在死戰此而上舉九地之大約也

張預曰走無所往當殊死戰從圯地無舍至此爲九變止陳五事者舉其大畧也九地篇中說九地之變唯言六事亦陳其大畧也凡地有勢有變九地篇上所陳者是其勢也下所聚者是其變也何以知九變爲九地之變下文云將不

通九變雖知地形不能得地利又九地篇云九地之變屈伸之利不可不察以此觀之義可見也下既說九地此復言九變者孫子欲叙五利故先陳九變蓋九變五利相須而用故兼言之塗有所不由。

曹操曰隘雖之地所不當從不得已從之故爲變

李筌曰道有險狹懼其邀伏不可由也

張預曰險阨之地車不得方軌騎不得成列故

不可由也不得已而行之必爲權變

軍有所不擊。

曹操曰軍雖可擊以地險難久留之失前利若得之則利薄困窮之兵必死戰也

杜牧曰蓋以銳卒勿攻歸師勿遏窮寇勿迫死地不可攻或我疆敵弱敵前軍先至亦不可擊恐驚之退走也言有如此之軍卽須不擊蓋爲知變也故列於九變篇中
陳皞曰見小利則不能傾敵則勿擊恐重勞人

也

賈林曰軍可威懷勢將降伏則不擊

張預曰縱之而無所損克之而無所利則不須

擊也又若我弱彼彊我曲彼直亦不可擊

城有所不攻。

曹操曰城小而固糧饒不可攻也

賈林曰臣忠義重稟命堅守者亦不可攻也

張預曰拔之而不能守委之而不為患則不須

攻也又若深溝高壘卒不能下亦不可攻

地有所不爭。

曹操曰小利之地方爭得而失之則不爭也

杜牧曰言得之難守失之無害

張預曰得之不便於戰失之無害於已則不須

爭也若遼遠之地雖得之終非已有亦不可爭

君命有所不受。

曹操曰苟便於事不拘於君命也

杜牧曰尉繚子曰兵者凶器也爭者逆德也將

者死君也無天於上無地於下無敵於前無主

於後

張預曰自塗有所不由至此爲五利或曰自北地無舍至地有所不爭爲九變謂此九事皆不從中覆但臨時制宜故統之以君命有所不受故將通於九變之地利者知用兵矣

李筌曰謂上之五事也

杜牧曰九事之變皆臨時制宜不由常道故言變也

何氏曰孫子以九變各篇解者十有餘家皆不

條其九變之目者何也蓋自此地無舍而下至

君命有所不受其數十矣使人不得不惑愚孰

觀文意上下止述其地之利害耳且十事之中

君命有所不受且非他事昭然不類矣蓋孫子

之意言凡受命之將合衆軍衆如經此九地有

害而無利則當變之雖石命使之舍留攻爭亦

誰不受也況下文言將不迪於九變之利者雖知

地形不能得地之利矣其君命豈得於地形而

同算也況下之地形篇云戰道必勝主曰無戰

必戰可也戰道不勝主曰必戰無戰可也厥旨
盡在此矣

將不通於九變之利者雖知地形不能得地之利矣。

賈林曰雖知地形心無通變豈惟不得其利亦
恐反受害也將貴適變也

梅堯臣曰知地不知變安得地之利

故兵不知九變之術雖知五利不能得人之用矣。九變

一云五變

曹操曰謂平五事也

賈林曰五利五變亦在九變之中遇勢能變則
利不變則害在人故無常體能盡此理乃得人
之用也五變謂途雖近知有險阻奇伏之變而
不由軍雖可擊知有窮蹙死關之變而不擊城
雖勢孤可攻知有糧充兵銳將智臣忠不測之
變而不攻地雖可爭知得之難守得之無利有
反奪傷人之變而不爭君命雖宜從之知有內
御不利之害而不受此五變者臨時制宜不可
預定貪五利者途近則由軍勢孤則擊城勢危

則攻地可取則爭軍可用則受命貪此五利不知其變豈惟不得人用抑亦敗軍傷士也。張預曰凡兵有利有變知利而不識變豈能得人之用曹公言下五事爲五利者謂九變之下五事也非謂雜於利害也。是故智者之慮必雜於利害。

曹操曰在利思害在害思利當難行權也。

李筌曰害彼利此之慮。

賈林曰利害相參雜智者能慮之慎之乃得其

利也。

王皙曰將通九變則利害盡矣。

張預曰智者慮事雖處利地必思所以害雖處

害地必思所以利此亦通變之謂也。

雜於利而務可信也。

曹操曰計敵不能依五地爲我害所務可信也。

杜牧曰信申也言我欲取利於敵人不可但見

取敵人之利先須以敵人害我之事參雜而計

量之然後我所務之利乃可申行也。

賈林曰以害雜利行之威人以臨之刑法以戮之已不二日則衆務皆信人不敢欺也

王皙曰曲盡其利則可勝矣
雜於害而患可解也
曹操曰既參於利則亦計於害雖有患可解也
杜牧曰我欲解敵人之患不可但見敵能害我之事亦須先以我能取敵人之利參雜而計量之然後有患乃可解釋也故上文云智者之慮必雜於利害也譬如敵人圍我我若但知突圍

而去志必懈怠即必為追擊未若勵士奮擊因戰勝之利以解圍也舉一可知也
王皙曰周知其害則不致矣
是故屈諸侯者以害。

曹操曰害其所惡也
李筌曰害其政也
杜牧曰言敵人苟有所惡之事我能乘而害之不失其機則能屈敵也
賈林曰為害之計理非一途或誘其賢智令彼



無臣或遺以姦人破其政令或爲巧詐間其君
臣或遺工巧使其人疲財耗或潰淫樂變其風
俗或與美人或亂其心此數事若能潛運陰謀
密行不泄皆能害人使之屈折也

王皙曰窮屈於必害之地勿使可解也

役諸侯者以業。

曹操曰業事也使其煩勞若彼入我出彼出我
入也

李筌曰煩其農也

杜牧曰言勞役敵人使不得休我須先有事業
乃可爲也事業者兵衆國富人令行也

趨諸侯者以利。

曹操曰令自來也

李筌曰誘之以利

王皙曰趨敵之間當周旋我利也

故用兵之法無恃其不來恃吾有以待也無恃其不
攻恃吾有所不可攻也。

曹操曰安不亡危常設備也

梅堯臣曰所賴者有備也

故將有五危。

張預曰下五事也

必死。可殺也。

曹操曰勇而無慮必欲死關不可曲撓可以奇

伏中之

必生。可虜也。

曹操曰見利畏怯不進也

李筌曰疑怯可虜也

孟氏曰將之怯弱志必生返意不親戰士卒不

精上下猶豫可急擊而取之

王皙曰無鬪志曹公曰見利怯不進也

害亦輕走矣

張預曰臨陳畏怯必欲生返當鼓譟乘之可以

虜也

忿速可侮也。

曹操曰疾急之人可忿怒侮而致之也

杜牧曰忿者剛怒也速者褊急也若敵人如此

可以凌侮使之輕進而敗之
廉潔可辱也。

曹操曰廉潔之人可汗辱致之也

杜佑曰此言敵人若高壁固壘欲老我師我勢不可留利在速戰揣知其將多忿怒則輕侮而致之性本廉潔則汗辱之

愛民可煩也。

曹操曰出其所必趨愛民者則必倍道兼行以救之救之則煩勞也

杜牧曰言仁人愛民者惟恐殺傷不能捨短從長棄彼取此不度遠近不量事力凡爲我攻則必來救如此則可以煩之令其勞頓而後取之

賈林曰廉潔之人不好侵掠愛人之仁不好鬪戰辱而煩之其動必敗而平賊變於水賊氣也
凡此五者將之過也。用兵之災也。

陳皞曰良將則不然不必死不必生隨事而用不忿速不耻辱見可如虎否則閉戶動靜以計

不可喜怒也
何氏曰將才古今難之其性往往失於一偏耳
故孫子首篇言將者智信仁勇嚴貴俱全也
張預曰庸常之將守一而不知變故取賊於已
爲凶於兵
覆軍殺將必以五危不可不察也

張預曰言須識權不可執一道也
孫武子卷之八 終

孫武子卷之九

行軍篇

曹操曰擇便利而行也
王皙曰行軍當據地便察敵情也

張預曰知九地之變然後可以擇利而行軍故
次九變

孫子曰凡處軍相敵

王皙曰處軍凡有四相敵凡三十有一
張預曰自絕山依谷至伏姦之所處則處軍之

事也自敵近而靜至必謹察之則相敵之事也
相猶察也料也

絕山依谷

曹操曰近水草利便也

杜牧曰絕過也依近也言行軍經過山險須近

谷而有水草之利也

賈林曰兩軍相當敵宜擇利而動絕山跨山依

谷傍谷跨山無後患依谷有水草也

梅堯臣曰前為山所隔則依谷以為固

視生處高

曹操曰生者陽也

李筌曰向陽曰生在山曰高生高之地可居也

杜牧曰言須處高而面南也

陳皞曰若地有東西其法何如答曰然則面東

也

戰隆無登

一本作戰降

曹操曰無迎高也

李筌曰敵自高而下我無登而取之

張預曰謂敵下山來戰引我上山則不可登迎也

此處山之軍也。

梅堯臣曰處山當知此三者

絕水必遠水。

曹操李筌曰引敵使渡

梅堯臣曰前爲水所隔則遠水以引敵

客絕水而來勿迎之於水內令半濟而擊之利。

杜牧曰水內乃洄也誤爲內耳

梅堯臣曰敵之方來迎於水濱則不渡

張預曰敵若引兵渡水來戰不可迎之於水邊

俟其半濟行列未定首尾不接擊之必勝

欲戰者無附於水而迎客

曹操曰附近也

李筌曰附水迎客敵必不得渡而與我戰

張預曰我欲必戰勿近水迎敵恐其不得渡我

不欲戰則阻水拒之使不能濟

視生處高。

曹操曰水上亦當處其高也前向水後當依高
而處之。梅堯臣曰水上亦據高而向陽。張預曰或岸邊爲陣或水上泊舟皆須面陽而
居高。無迎水流。曹操曰恐漑我也。杜牧曰此言我軍舟船亦不可泊於下流言敵
人得以乘流而泊我也。

賈林曰水流之地可以漑吾軍可以流毒藥迎
逆也。一云逆流而營軍家所忌
此處水上之軍也。

梅堯臣曰處水上當知此五者
絕斥澤。惟亟去無留。

陳皞曰斥鹽鹵之地水草惡漸洳不可處軍
梅堯臣曰斥遠也曠蕩難守故不可留
若交軍於斥澤之中必依水草而背衆樹。

曹操曰不得已與敵會於斥澤中



李筌曰急過不得戰必依水背樹夫有水樹其地無陷溺也

杜佑曰言不得已與敵戰而會斥澤之中當背稠樹以爲固守蓋地利兵之助也

張預曰不得已而會兵於此地必依近水草以便樵汲背倚林木以爲險阻

此處斥澤之軍也

梅堯臣曰處斥澤當知此二者

平陸處易

曹操曰車騎之利也

杜牧曰言於平陸必擇就其中坦易平穩之處以處軍使我車騎得以馳逐

而右背高前死後生

曹操曰戰便也

李筌曰夫人利用皆便於右是以背之前死致敵之地後生我自處

賈林曰岡阜曰生戰地曰死後岡阜處軍穩前臨地用兵便高在右回轉順也

張預曰雖是平陸須有高阜必右背之所以特
為形勢者也前低後高所以便乎奔擊也
此處平陸之軍也。

梅堯臣曰處平陸當知此二者凡昔之前漢
凡此四軍之利。

李筌曰四者山水斥澤平陸也

黃帝之所以勝四帝也。

李筌曰黃帝始受兵法於風后而滅四方故曰
勝四帝也。

梅堯臣曰四帝當為四軍字之誤歟言黃帝得
四者之利處山則勝山處水則勝水處斥澤則
勝斥澤處平陸則勝平陸也

凡軍好高而惡下。

梅堯臣曰高則爽愷所以安和亦以便勢下則
卑濕所以生疾亦以難戰

王皙曰有降無登且遠水患也

張預曰居高則便於覘望利於馳逐處下則難
以為固易以生疾

貴陽而賤陰。

梅堯臣曰處陽則明順處陰則晦逆

王皙曰久處陰濕之地則生憂疾且弊軍器也

張預曰東南為陽西北為陰

養生而處實。

曹操曰恃滿實也養生向水草可放牧養畜乘

實猶高也

梅堯臣曰養生便水草處實利糧道

王皙曰養生謂水草糧糈之屬處實者倚固之

謂

軍無百疾。是謂必勝。

杜牧曰生者陽也實者高也言養之於高則無

卑濕陰翳故百疾不生然後可必勝也

梅堯臣曰能知上三者則勢勝可必疾氣不生

張預曰居高面陽養生處厚可以必勝地氣乾

燥故疾癘不作

丘陵隄防。必處其陽而右背之。

杜牧曰凡遇丘陵隄防之地常居其東南也

梅堯臣曰雖非至高亦當前向明而右依實
張預曰面陽所以貴明顯背高所以爲險固
此兵之利地之助也。

梅堯臣曰兵所利者得形勝以爲助
張預曰用兵之利得地之助

上雨水沫至欲涉者待其定也。

曹操曰恐半涉而水遽漲也

杜牧曰言過溪澗見上流有沫此乃上源有雨
待其沫盡水定乃可涉

杜佑曰恐半渡水而遂漲上雨水當清而反濁
沫至此敵人權遏水之占也欲以中絕軍凡地
有計智料敵而行

凡地有絕澗天井天牢天羅天陷天隙必亟去之勿
近也。

曹操曰山深水大者爲絕澗四方高中央下爲
天井深山所過若蒙龍者爲天牢可以羅絕人
者爲天羅地形陷者爲天陷山澗道迫狹地形
深數尺長數丈者爲天隙

杜牧曰軍識曰地形坳下大水所及謂之天井
山澗迫狹可以絕人謂之天牢澗水澄澗不測
淺深道路泥濘人馬不通謂天之陷地多溝坑
坎陷木石謂之天隙林木隱蔽蒨葭深遠謂之
天羅

梅堯臣曰六害尚不可近況可留乎
吾遠之敵近之吾迎之敵背之

曹操曰用兵常遠六害令敵近背之則我利敵
凶

杜牧曰迎向也背倚也言遇此六害之地吾遠
之向之則進止自由敵人近之倚之則舉動有
阻故我利而敵凶也

軍行有險阻潢井葭葦山林翳蒼者必謹覆索之此
伏姦之所處也

曹操曰險者一高一下之地阻者多水也潢者
池也井者下也葭葦者衆草所聚山林者衆木
所居翳蒼者可屏蔽之處也此以上論地形也
以下相敵情也

李筌曰以下恐敵之奇伏誘詐也

敵近而靜者恃其險也。

梅堯臣曰近而不動恃其險也

王皙曰恃險故不恐也

遠而挑戰者欲人之進也。

杜牧曰若近以挑我則有相薄之勢恐我不進

故遠也

張預曰兩軍相近而終不動者倚恃險固也兩

軍相遠而數挑戰者欲誘我之進也

其所居易者利也。

一本作士其所居易者易利也

杜牧曰言敵不居險阻而居平易必有以便利

於事也

賈林曰敵之所居地多便利故挑我使前就己

之便戰則易獲其利慎勿從之也

張預曰敵欲人之進故處于平易以示利而誘

我也

衆樹動者來也。

曹操曰衆伐樹木除道進來故動

張預曰不止除道亦將為兵器也若晉人伐木
益兵是也

衆草多障者疑也。

賈林曰結草多為障蔽者欲使我疑之於中兵
必不實欲別為攻襲宜審備之也

杜牧曰言敵人或營壘未成或拔軍潛去恐我
來追或為掩襲故結草使往往相聚如有人伏
藏之狀使我疑而不敢進也

張預曰或敵欲追我多為陣蔽設留形而遁以

避其追或欲襲我叢聚草衣以為人屯皆所以
為疑也

鳥起者伏也。

曹操曰鳥起其上下有伏兵

李筌曰藏兵曰伏

張預曰鳥適平飛至彼忽高起者下有伏兵也

獸駭者覆也。

曹操曰敵廣陳張翼來覆我也

李筌曰不意而至曰覆

杜牧曰凡敵欲覆我必由他道險阻林木之中故驅起伏獸駭逸也

陳皞曰覆者謂隱於林木之內潛來掩我候兩軍戰酣或出其左右或出其前後若驚駭伏獸也

塵高而銳者車來也

杜牧曰車馬行疾仍須魚貫故塵高而尖

梅堯臣曰蹄輪勢重塵必高銳

卑而廣者徒來也

杜牧曰步人兵遲可以並列故塵低而闊也

梅堯臣曰人步低輕塵必卑廣

散而條達者樵採也

李筌曰烟塵之埃

杜牧曰樵採者各隨所向故塵埃散衍條達縱橫斷絕貌也

少而往來者營軍也

杜牧曰欲立營壘以輕兵往來爲斥埃故塵少也

張預曰凡分柵營者必遣輕騎四面近視其地
欲周知險易廣狹之形故塵微而來
辭卑而益備者進也。

曹操曰其使來卑辭使間視之敵人增備也
梅堯臣曰欲進者外則卑辭內則益備款我也
辭彊而進驅者退也。

曹操曰詭詐也

王皙曰辭彊示進形欲我不虞其去也

張預曰使來辭北軍又前進欲脅我而求退也

輕車先出居其側者陳也。

曹操曰陳兵欲戰也

杜牧曰出輕車先定戰陳疆界也

賈林曰輕車前禦欲結陳而來也

無約而請和者謀也。

曹操曰無質盟之約請和者必有謀於人

杜佑曰未有要約而便來請和有間諜也

梅堯臣曰無約請和必有姦謀

奔走而陳兵車者期也。

李筌曰戰有期及將用是以奔走之

杜牧曰上文輕車先出居其側者陳也蓋先出車定戰場界立旗為表奔走赴表以為陳也旗者期也與民期於下也

賈林曰尋常之期不合奔走必有遠兵相應有畧刻之期必欲合勢同來攻我宜速備之

半進半退者誘也

李筌曰散於前

杜牧曰偽為雜亂不整之狀誘我使進也

杖而立者飢也

一本作仗

李筌曰困不能齊陳不長也

杜佑曰倚杖矛戟而立者飢之意

汲而先飲者渴也

李筌曰汲未至先飲者士卒之渴

杜牧曰命之汲水未汲而先取者渴也覩一人

三軍可知也

王皙曰以此見其衆行驅飢渴也

見利而不進者勞也

曹操曰士卒之疲勞也

鳥集者。虛也。

李筌曰城上有鳥師其遁也

杜牧曰設留形而遁

陳皞曰此言敵人若去營幕必空禽鳥既無畏

夜呼者。恐也。

夜呼者。恐也。

曹操曰軍士夜呼將不勇也

李筌曰士卒怯而將懦故驚恐相呼

杜牧曰恐懼不安故夜呼以自壯也

軍擾者將不重也。

李筌曰將無威重則軍擾

杜牧曰言進退舉止輕佻率易無威重軍士亦

擾亂也

張預曰軍中多驚擾者將不持重也

旌旗動者亂也。

杜佑曰旌旗謬動抵東觸西傾倚者亂也

梅堯臣曰旌旗輒動偃亞不次無紀律也

吏怒者倦也。

梅堯臣曰吏士倦煩怒不畏避也

張預曰政令不一則人情倦故吏多怒也

粟馬肉食。軍無懸甕。不返其舍者。窮寇也。

一作殺馬肉食者軍

無糧也軍無懸甕不返其舍者窮寇也

李筌曰殺其馬而食肉故曰軍無糧也不返舍

者窮迫不及竈也

杜牧曰粟馬言以糧穀秣馬也食肉者殺牛馬

饗士也軍無懸甕者率破之示不復炊也不返

其舍者晝夜結部任也如此者皆是窮寇必欲

決一戰耳甕音府炊噐也

王皙曰粟馬肉食所以為力且久也軍無甕不

以飲食也不返舍無回心也皆謂以死決戰耳

敵如此者當堅守以待其弊也

諄諄翁翁。徐與人言者。失衆。

曹操曰諄諄語貌翁翁失志貌

李筌曰諄諄翁翁竊語貌士卒之心恐上則私

語而言是失衆也

賈林曰諄諄竊議貌翁翁不安貌徐與人言逋相問貌如此者必散失部曲也

梅堯臣曰諄諄吐誠懇也翁翁曠職事也緩言

強安恐衆離也

數賞者窘也。

李筌曰窘則數賞以勸進

王皙曰衆窘而不和裕則數賞以悅之

數罰者困也。

李筌曰困則數罰以勵士

王皙曰衆困而不精勤則數罰以脅之也

先暴而後畏其衆者不精之至也。

曹操曰先輕敵後聞其衆則心惡之也

杜牧曰料敵不精之甚

梅堯臣曰先行乎嚴暴後畏其衆離訓罰不精

之極也

來委謝者欲休息也。

李筌曰徐前而疾曰委謝

杜牧曰所以委質來謝此乃勢已窮或有他故

必欲休息也

賈林曰氣委而言謝者欲求兩解

兵怒而相迎。久而不合。又不相去。必謹察之。

曹操曰備其伏也

孟氏曰備有別應

梅堯臣曰怒而來逆我久而不接戰且又不解

去必有奇伏以待我此以上輪敵情也

兵非益多也。其來津不濟之至也

曹操曰權力均一云非貴多

王皙曰謂權力均足矣不以多為益

惟無武進

曹操曰未見便也

賈林曰武不足專進專進則暴

足以併力料敵取人而已

曹操曰廝養足也

李筌曰兵衆武用力均惟得人者勝也

杜牧曰言我與敵人兵力皆曰惟未能用武前

進者蓋未得見其人也但能於廝養之中揀擇

其材亦足併力料敵而取勝不假求於他也

賈林曰雖無武勇之力而輕進足以智謀料敵

併力而取敵人也

王皙曰皙謂善分合之變者足以併力乘敵間

以取勝人而已故雖廝養之輩可也况精兵乎曹

說是也

夫惟無慮而易敵者必擒於人

曹操曰無有深謀遠慮但恃一夫之勇輕易不

顧者必為敵人所擒

陳皞曰惟猶獨也此言殊無遠慮但輕敵者必

為所擒不獨言其勇也

王皙曰惟不能料敵但以武進則必為敵所擒

明患不在於不多也

卒未親附而罰之則不服不服則難用也

杜牧曰恩信未洽不可以刑罰齊之

張預曰驟居將師之位恩信未加於民而遽以

刑罰齊之則怒恚而難用

卒已親附而罰不行則不可用也

曹操曰恩信已洽若無刑罰則驕情難用也

張預曰恩信素洽士心已附刑罰寬緩則驕不

可用也

故令之以文。齊之以武。

曹操曰文仁也武法也

李筌曰文仁恩武威罰

是謂必取。

杜牧曰文武既行必也取勝

素行以教其民。則民服。

梅堯臣曰素舊也威令舊立教乃聽服

張預曰將令素行其民已信教而用之人人聽

服

令不素行以教其民則民不服

王皙曰民不素教難卒為用

何氏曰人既失訓安得服教

令素行者與眾相得也

杜牧曰素先也言為將居常無事之時須恩信

威令先著於人然後對敵之時行令立法人人


信伏

梅堯臣曰信久何事不從服已

今素王替曰知此者始可言其併力勝敵矣

王昔曰吳不素攻韓卒急用

公下



此今素亦其氣已前殊而用之入入

武子卷之九終

文正丁卯

